

Peo Ya Bana

Karolo ya I

 Ehlile, ho jwalo kamehla, jwalokaha ke boletse pele, “Ka thaba ha ba itse ho nna, ‘A re yeng ka tlung ya Morena.’” Ke a kgolwa ke Davida ya hlahisitseng polelo eo ka mohla o mong, “A re yeng ka tlung ya Morena.” Ha ke tsebe sebaka se seng se molemo ho ka ba ho sona, le lona le a tseba, haese ka tlung ya Morena.

² Jwale, bosiung bona re...re na le bomphato ba itseng mona ba tswang kwana Georgia. Mohlomong ba tla kgannela tlase moo ka mora—ka mora dijo bosiung bona. Mme jwale he re tla... Bang ba bona ba tswa tlase kwana, ke a kgolwa ha le tla sala. Mme ntlo efe kapa efe re nang le yona e buletswe lona.

³ Mme hape Laboraro bosiu re tswele pele ka, ka thuto ya rona, mme e re, ha Morena a rata, le Sontaha se hlahlamang hape.

⁴ Mme hape Chatauqua e qala mohla la tshelela. Ka hona lona ba rerileng phomolo tsa lona, re lebeletse nako e kgolo e babatsehang Chatauqua. Ke hona moo re yeng re be le nako e tlotlehang hakana. Ha ho matshwele a maholo haholo, ka dinako tse ding re matha ka le... Mohlomong e ka nka ho ka bang... Ke nahana re kgonne ho kenya dikete tse leshome ka mono, ha bonolo. Empa, ka tlwaelo, ke a kgolwa ngwahola re ne re e na le dikete tse ka supang, ntho e kang eo. E le sebaka se tletseng tswete, empa ho na le sebaka se se ngata sa ho ema. Le dituloo tseo ba ka di beang hohle ka ntle. Ka baka leo ke hona moo re shebileng teng.

⁵ Mme re thabetse ho bona bongata ba baena ba rona ba bareri ba le teng. Ke—ha ke kgone ho hopola lebitso la enwa mona, morongwa, Moena Humes le Kgaitsemi Humes, na ke wena ya dutseng mona hantle, le bana, re thabetse ho ba le bona, re thabetse ho ba le bona, morongwa. Ba bang, Moena Pat, Moena Daulton, mme, oho, ba bangata tjena, Moena Beeler. Hape ke bone Moena Collins metsotswaneng e mmalwa e fetileng. Mme, oho, ho ka batla ho e-ba boima ho ba bitsa kaofela. Empa re thabetse haholo ho ba le lona ka tlung ya Morena bosiung bona. Moena Neville enwa ya ratehang ya moholo ya dutseng ka mora ka mona a tle a rapele le nna re sa ntse re tla ruta Lentswe. Charlie, ke thabo ho bona wena mmoho le Kgaitsemi Nellie mona bosiung, le bana. Hona ke... mme ka tlwaelo thuto ya Bibele haholo e batla e le... E, Moena Welch, nna ke feela... ne ntse ke o batla, ke a o bona o dutse morao mono jwale.

⁶ Thuto ya Bibele e batla e tswedipane, hanyenyane eka e, le a tseba, eka ho tsamaya hodima leqhwā le le sesane, re e bitsa jwalo. Empa jwale re ikutlwā feela eka mohlomong, sebakeng sena le nakong ena, ha ekaba ntho e molemo ho tlisa ke—kereke ho seo ke nahanang, ku—kutlisisong e phethahetseng, boemong boo, ba seo re leng sona ho Kreste Jesu. Mme ka nako tse ding ke dumela ha therō e le ntho e babatsehang, empa ka nako tse ding ke a dumela, Moena Beeler, hore thuto e feta hoo, eka e . . . haholo kerekeng. Jwale, ka tlwaelo therō e tshwara moetsadibe, e mo kenya tlasa tsuo ka Lentswe. Empa thuto e bea motho madulong a seo a leng sona. Mme le ka mohla re ke ke ra kgona ho ba le tumelo hantle ho fihlela re tsebile seo re leng sona madulong.

⁷ Jwale, ha United States, ha naha ena e ntle mona, e nthomela Rashiya, jwaloka lengosa setjhaba sena, Rashiya, jwale haeba ba nthometse Rashiya semolao, matla wohle ao United States e nang le ona a ka mora ka. Lentswe la ka le tshwana le la United States hantle, haeba ke nnkuwa jwaloka lengosa.

⁸ Mme jwale haeba Modimo a re rometse ho ba maqosa a Hae, matla ohle a Lehodimong, sohle seo Modimo a leng sona, Mangeloi ohle a Hae ekasita le matla ohle a Hae a tshehetṣa mantswe a rona haeba re tlotsitswe ka nepo, re le barongwa ba romilweng bathong. Modimo o loketse ho hlompha Lentswe, hoba O ngodile ka ho tiya, hore “Hohle hoo o tla ho tlama lefatsheng, Ke tla ho tlama Lehodimong. Le hohle hoo o tla ho lokolla lefatsheng Ke tla ho lokolla Lehodimong. Mme Ke tla o nea dinotlolo tsa Mmuso.” Oh, ditshepiso tse kgolo hakakang tseo A di neileng kereke!

⁹ Mme nna, hoba ho fete tsatsi le leng, haeba bongata ba lona bo ne bo le teng mona ke lekanya jwalo hoseng hona ho nkutlwā ha ke leka, mokgweng wa ka, o ithobileng, o nyatsehang, ho hhalosa po—pono ya Lehodimo eo ke e boneng.

¹⁰ Le ka mohla nke ka leka ka tsela efe feela ho belaela ntho efe feela eo motho a ka mpolellang hore Modimo o ba boleletse yona. Ke ne ke tla nne ke e dumela esita leha ke ne ke sa e bone ka Lengolong, ke ne ke tla batla ho dumela polelo ya moena eo. Nka—nka nna ka dula le Bibele hantle feela, empa leha ho le jwalo ke ne ke tla dumela hore mohlomong ka tsela ya ho reng moena o mpile a e utlwisia ka phoso feela, hore e ka nna yaba o mpile a e dubakanya ha nyenyane. Mme leha ho le jwalo ke ne ke tla dumela hore ke—ke moena wa ka.

¹¹ Mme haeba ho e na le ntho e tjhesang pelong ya ka, mme ke a tshepa e ke ke ya tloha dilemong tsa ka tse tlang, ke hore nke ke ka lebala ho etsahetseng hoseng ha Sontaha se fetileng, jwaloka veke. E entse ho hong ho nna ho phethotseng bophelo ba ka. Ha ke—ke tshabe. Ha ke—ke na le tshabo le e nngwe ya

lefu. Lefu ha le na tshabo ya letho. Mme ha le—le tshabebe ho wena ha feela o ne o utlwisia. Jwale, mohlomong haeba... O tla lokela ho fumana boitsebelo boo ho tseba hoo, hoba ha ho mokgwa wa ho e hhalosa. O ke ke wa fumana mantswe, hoba ha le yo ka bukeng e hhalosang mantswe ya Senyesemane, kapa buka e nngwe e hhalosang mantswe, hoba e Bosafeleng; tsatsi la maobane ha le yo, tsatsi la hosasa ha le yo, ke lekgathe-lajwale kamehla. Mme ha se “ke ikutlw monate haholo,” mme hora ho tloha jwale, “ha ke ikutlw monate hakaalo,” mme horeng e nngwe, “ke ikutlw monate hape.” Ke lekgathe-lejwale ka nako tsohle. Le a bona? Ho kgaotsa ha ho yo, ke kgotso eo e nyakallisang feela le ho hong.

¹² Mme ho no ke ke ha ba le sebe, ho no ke ke ha ba le mona, ho no ke ke ha ba le bolwetse, moo—moo ho no ke ke ha ba letho le ka fihlang lebopong leo la Lehodimo. Mme haeba nka ba le monyetla wa ho bolela hona, e leng hore, mohlomong ha ke na wona. Haeba ke se na wona, jwale ke rapela hore Modimo a ntshwarele. Empa haeba ke na le monyetla, mme e ne e le hore Modimo o ntumeletse ho nkelwa hodimo ho bona ho hong, nka lebisa ho Mahodimo a pele. Mme hape ke a dumela, e mong ka Bibeleng, ka lebitso, kea dumela e ne e le Paulose, ya ileng a nkelwa hodimo Mahodimong a boraro. Mme haeba ho n'o tlotleha hakana Mahodimong a pele, Mahodimo ao a boraro a tshwere'ng? Ha ho makatse ha a sa ka a bua ka hona ka dilemo tse leshome le metso e mene! O boletse ha a sa tseba hore na o ne a le mmeleng kapa a se mmeleng wona. Ka moapostola eo e moholo, e seng ho arolelana ofisi ya—ya—ya hae le yena, kapa ntle le ho leka ho iketsa ha rona ntho e kang eo a neng a le yona, empa nka bolela jwana le yena, ha ke tsebe e ne e le mmeleng wona kapa e ne e se mmeleng. Ntho feela, ho ne ho tiile jwalokaha ke le shebile.

¹³ Mme kamehla ke nnile ka ipotsa hore na ke tla feta mme ke bone lerunyana le feta le fefoha, moya, ebe ke re, “Moena le Kgaitsei ke bao moo ba tsamayang teng, bao ke Charlie le Nellie. Ke Moena le Kgaitsei Spencer ba tsamayang moo.” Haesale taba eo e ntsietsa. Haeba mahlo a ka a le lebitleng, a senyeha, a bola, haeba ditsebe tsa ka di se teng mona ho se hhole di utlwa hape, mme haeba madi aka ohle a se a kgutletse morao mme ba a hwamisitse, mme a le metsing a mangata kapa leroleng, le ditho tsa ka tsa kelello, disele tsa ka tsa boko di timetse, ne nka ba teng jwang haese feela ho ba moyo o fofang hohle? Mme hoo ha nkgathatsa. Kamoo neng nka rata ho re, “Ahe, Moena Pat, oho, ha se le thabo ho o bona! Ahe, Moena Neville, kamoo ke batlang ho o bona!” Empa ke nahane, “Tjhe jwale, haeba ke se na hoo nka shebang ka hona, ho se molomo oo nka buang ka wona, o bodile, ke lerole, ne nka kgona jwang ho re, ‘Ahe, Moena Pat,’ ‘Ahe, Moena Neville,’ kapa jwalo-jwalo, ‘Hela, Charlie.’?”

¹⁴ Empa jwale ke a tseba hoo ho fosahetse. Hoba ho ngodilwe Mangolong, ao ke reng ha e kgahlano, “Efela mohla ntlo ena ya lefatshe e senyehang, re na le e nngwe e re emetseng,” tabernakele e nngwe e nang le mahlo, ditsebe, dipounama, ditho tsa kelello. “Efela mohla ntlo ena ya lefatshe e senyehang!” E na le mmele oo nka phopholetsang ho wona, ho kgona ho bua.

¹⁵ Mme jwale ho a mphihlela, hona jwale feela, hore Moshe hoba a shwe le ho ba kahara lebitla le sa tshwauwang ka dilemo tse makgolo a robedi, le Elisha a ye Lehodimong dilemo tse makgolo a mahlano pele ho moo, empa Thabeng ya Phetholelo ba fumanwa ba bua le Jesu.

¹⁶ Hoba Samuele a shwe bonnyane dilemo tse tharo ho isa ho tse hlano, mme le senohe sa Enedore se mo nyolle, mme se we ka sefahleho sa sona, mme se re, “O nthetsitse, hoba ke wena Saule, ka sebele.” Sa re, “Ka hoba ke bona medimo!” E ne e le mohetene, le a bona. “Ke bona medimo e nyoloha.”

¹⁷ Homme Saule le jwale a sa kgone ho mmona, mme a re, “O shebeha jwang? Ntshwantshetse yena.”

Ho re, “O mosesane, mme o na le kobo lehetleng la hae.”

¹⁸ Ho re, “Ke Samuele eo, moporofeta, mo nyollele kwano mona pela ka.” Ke batla le ele hloko hore Samuele o na sa ka a lahlehelwa ke sepha sefe feela sa botho ba hae. Esale moporofeta, a bolella Saule hantle ho tla etsahalang tsatsi le hlahlamang.

¹⁹ Ka baka leo, le a bona, lefu ha le re nyenyefatse ka bottlalo nakong eo re llang re meketsa re bokolla lebitleng. Le mpa le fetola madulo a rona feela. Le re tlosa sebakeng se seng ho ya....Dilemo di bolelang? Ha nka phela hora e nngwe hape, ke tla feta bongata ba batho ba dilemo tse leshome le metso e tsheletseng ka ho phela, ke tla feta bongata ba batho ba dilemo tse hlano ka ho phela. Dilemo ha se letho. Re mpa re beilwe mona feela ka morero, ho etsa ho hong.

²⁰ E, jwale, bongata ba bomme bana ba dutseng mona ba difahleho di ntle, ba bang ba bona ba le mashome a tsheletseng kapa dilemo tse mashome a supileng, ba ka re, “E jwale, ke entseng, Moena Branham?” O hodisitse bana ba hao. O entse se o no loketse ho se etsa.

²¹ Mohlomong leqhekwana la monna le dutseng mona, le ka re, “E, ke phophothile makote masimong, ke entse hona. Ha ke so rere.” Empa o entse hantle feela seo Modimo a o rometseng ho se etsa. Ho na le sebaka bakeng sa hao.

²² Ha ke ne ke bua le ngaka ya kgale, maobane, e mong wa metswalla ya ka ya ngaka, bomphato, dilemo tse mashome a robedi le ho hong. Mme molamo wa hae o teng mona kerekeng bosiung bona, o na ba—batla a tshwenyehile ha nyenyane ka

yena. Yaba ke a ya ho mmona. Mme hang feels ha ke qalella ho bua le yena, a edisa sefahleho, mme a mphethela ka letsholo la ho tsoma leo neng a le nke dilemong tse ngata tse fetileng kwana Colorado, yona naha eo ke tsomang ho yona. Ka ho hlasimoloha le ho ela ho hokaalo feels! Mme ka re, "Ngaka, ke nako e kakang o sebetsa bongaka jwale?"

²³ A re, "O sa anya." Mme tlase kwana ka re... "Mme hangata," a re, "ke ne ke sebetsa, ke nke koloyana ya ka, ke kgwese mekotlana yaka ya qhana pereng yaka. Ke nke lekesenyana mme ke tlohe."

²⁴ Mme ka re, "Eya bo, ho theosa le lebopo la letshe, ka hora ya bobedi mesong, o nkile totjhe ya hao, o leka ho fumana ntlo moo ngwana e monyenyan ya tshwerweng ke mala a leng teng kapa mme ya mahlabeng a pelehi."

Ho re, "Hantle haholo."

²⁵ Mme ka re, "O a tseba, ngaka, ke a kgolwa, ka nqane ho moedi ona o kgaoahanyang mona, pakeng tsa ho shwa le ho se shwe, Modimo o na le tulo bakeng sa dingaka tsa kgale tse sebeditseng ka bokgabane ha kaalo."

²⁶ Dikeledi tse ngata tsa kolla mahlong a hae mme a qalella ho lla, a phamisa matsoho a hae a tetemang le ho re, "Moena, ke tshepa jwalo." Lefatsheng le ka kwana, Modimo o ahlola moyo wa motho, seo a leng sona.

²⁷ Yaba ke mo fa Lengolo lena le kgathollang. Hangata, ho lema masimong ao a lefifi a seretse bosiu, ho leka ho thusa motho e mong, mohlolong ntle le ho amohela peni e le nngwe bakeng sa hona, empa ho itoketse. Ke ile ka re, "Jesu o boletse Mangolong, 'Ho lehlohonolo ba mohau, hoba ba tla hauhelwa.'" Mme hoo ke nnate.

²⁸ Mme bosius bona re batla ho lokisa kereke, thutong tsena tse tharo, ha Modimo a dumela, mokgwa le hore ke'ng se lokelang ho shebjwa ka pele, seo re leng sona. Re tla qala kgaolong ya pele ya lengolo la Buka ya Paulose ho Efese. Mme re tla nka kgaolo tsa pele tse tharo thutong tsa rona tse tharo tse latelang, ho leka ho nka kgaolo ka bosiu, ha re ka kgona. Bosius bona, Laboraro, le Sontaha se hlahlamang hoseng. Baefese, kgaolo ya pele. Mme jwale ha re sa ithuta mmoho, ke rata ho bolela hona, hore Buka ena ya Baefese e tsamaelana le Joshua wa Testamente ya Kgale ka ho phetheha. Baefese, Buka ya Baefese.

²⁹ Jwale, hopolang, ha re ka tswa ha nyenyan, thutong ya hao, o mpe o re tshwarele mme o re mamelle motsotsso. Pele re e phetla, a re Mo kopeng ho re thusa, re sa inamisa dihlooho tsa rona.

³⁰ Morena, re atamela Mongolo wa Hao o halalelang le o kggethehileng, e leng O tileng ho feta mahodimo wohle le lefatshe. Hoba re bala Lentsweng lena, le bitswang Bibebe, ho

re, "Mahodimo le lefatshe di tla feta, empa Lentswe la Ka le ke ke la hholeha." Ha ho le jwalo, horeng ena e mahlonoko eo ke tlang sefaleng sena bosiung bona, ka pela ba rekilweng ka Madi a Hao, bathwana bana ba kgabane ba ratehang ba buswang ke lefu ba dutseng mona bosiung, ho fupara tsheponyana e nngwe le e nngwe eo ba ka e fihlelang, ho tiisetsa Leseding leo le tlang. A ho ke ho lekane hakaalo, bosiung bona, hoo modumedi ka mong a tla bona sebaka sa hae, homme e mong le e mong ya esong ho kene kopanong ena e kgolo, a tle a hatelle ka matla Mmusong, Morena, le ho kokota monyako ho fihlela Molebedi a bula monyako. Fana ka hona, Morena.

³¹ Re bala ka mona moo Bibebe ena e seng boitlhalosetsong ba motho. Modimo, hanelnna mohlanka wa Hao kapa mohlanka ofe feelsa hore a ka leka ho kenya boitlhalosetso ba bona Lentsweng. A re Le baleng feelsa mme re Le dumele, kamoo Le ngodilweng kateng. Homme haholo rona badisa ba mehlape, rona balebedi bao tsatsi le leng re tla kokana kwana Lefatsheng leo le Tlotlehang le mehlatswana, mme re tla ema Pontsheng ya Morena Jesu mme re tla bona moloko oo o nyoloha, wa Paulose, le wa Petrose, le wa Luka, le Mareka, le Mattheu, le bao bohle, le ho bona ba ahlolwa moo le maqulwana a bona. Modimo, nkabele hore ke tle ke hlahise milione ya dikgau maotong a Hao ke sa ntse ke kgasa ka boikokobetso le ho bea matsoho a ka maotong a Hao a kgabane, mme ke re, "Morena, ke ba Hao."

³² Oho Modimo, re tlatse botjha ka Moya wa Hao, le ka lerato la Hao le molemo wa Hao. Mme a rona, jwaloka ha moroki a hhalositse thokong dilemo tse ngata tse fetileng, "Konyan'e mosa e shwang, Madi a Hao a matle a ke ke a fellwa ke matla a ona, ho fihlela Kereke ya Modimo yohle e rekilweng e bolokilwe e se hlole e sitwa hape. Mme esale, ka tumelo, ke bona molapo o kopotsang o tlatsitsweng ke maqeba a Hao; lerato le lopollang esale e le motheo wa ka, mme etlaba lona ho fihlela ke eshwae. Mme ka thoko, e kgabane e monate," o tswelapele ka ho re, "Ke tla bina ka matla' Hao a pholosang; ha leleme lena le bebenyang, le hweleyang le robala ka kgutso lebitleng." Mme hape, lebitla ha le a fuparela bana ba Hao lefu la letho. E mpa e le nqalo ya rona ya phomolo, kapa nqalo ya rona ya botshabelo, moo hona ho bolang hona tla apara ho se bole.

³³ Re ke re bona sena siung bona, Morena, ka ho hlaka, jwalokaha re neilwe hona ka Lentsweng. Re fe kutlwisiso. Mme o re bee madulong, Morena, tulong tsa rona tsa tshebetso, re tle re sebetse ka botshepehi ho fihlela O etla. Re kopa Lebitsong la Jesu, le bakeng sa Hae. Amen.

³⁴ Jwale, Buka ya Baefese, jwalokaha ke sa tswa bolela, ke...nna ho latela mohopolo wa ka, ke e nngwe ya Dibuka tse kgolo tsa Testamente e Ntjha. E re siela, ho re ntshetsa pele

moo boKalvinise bo mathang hodima lekala le leng, le boArminine bo mathang lekaleng le leng, empa Buka ya Baefese e kopanya hono mmoho mme e bea Kereke madulong.

³⁵ Jwale, ke e bapisitse le Joshua. Haeba le hlokometse, Iseraele e ntshitswe Egepeta, mme ho na le mekgahlelo e meraro ya leeto la bona. Mokgahlelo o mong, e le ho tloha Egepeta. Mokgahlelo o latelang, e le lehwatata. Mme mokgahlelo o latelang, e le Kanana.

³⁶ Jwale, Kanana ha e tshwantshe ngwaha wa Dilemo tse Sekete. E mpa e tshwantsha mongwaha wa mohlodi, lekgatthe la ho hlola, kahobane kwana Kanana ba ne ba bolaya ba tjhesa le ho hapa metse. Mme ho ke ke ha ba le lefu Dilemong tse Sekete.

³⁷ Empa ntho e nngwe hape eo e etsang, e tlisa tokafatso ka tumelo, hoba ba dumele ho Moshe mme ba tlohe Egepeta. Kgalaletso, ho latela tlasa Topallo ya Mollo le pheko ya konyana e hlabilweng lehwatateng. E ntoo ba ho kena lefatsheng le neng le tshepisitswe.

³⁸ Jwale, lefatshe la pallo ho modumedi wa Testamente e Ntjha ke eng? Pallo ke Moya o Halalelang. “Ka mora tseo matsatsing a qetelo,” Joele 2:28, “ke moo Ke tla tshollela Moya wa Ka hodima nama yohle. Ho be ho porofete bara ba lona le baradi ba lona. Hodima bahlanka ba Ka le makgabunyane Ke tla tshollela Moya wa Ka, mme ba tla porofeta. Mme Ke tla etsa mehlolo hodimo mahodimong. Le lefatsheng, ditshiya tsa mollo, le mosi, le mmuwane.” Mme Petrose, ka Tsatsi la Pentekosta, hoba a nke theroy hae mme a rere, “Bakang, e mong le e mong wa lona, mme le kolobetswe ka Lebitso la Jesu Kreste tshwarelong,” ho hlakola, ho tshwarela, ho tlosa ditlolo tsohle tse fetileng.

³⁹ Na le hlokometse, Joshua, pele ba tshela Jordane, Joshua a re, “Haolang hara diahelo le hlatswe diaparo tsa lona le ikgalaletse e mong le e mong wa lona, mme monna e mong le e mong a se ke a atamela mosadi wa hae, hoba hose ho le matsatsi a mararo mme le tla bona Kganya ya Modimo.” Le a bona? Ke—ke kgato e tswellang ho itokisetsa ho amohela tshepiso. Jwale, tshepiso e yang ho Iseraele, e ne e le ho re, Modimo o file Abrahama tshepiso ya lefatshe, la Palestina, mme e ne e tla ba leruo la bona kamehla. Mme ba ne ba loketse ho dula lefatsheng lena kamehla.

⁴⁰ Jwale, ba tsamaile mekgahlelo e meraro, ho tla lefatsheng lena la pallo. Jwale, hlokometlang, e tshwantshwa hantle ka Testamenteng e Ntjha.

⁴¹ Jwale hona, jwaloka ha ke boletse, ho hanana le e meng ya menahano ya lona. Ba bang ba lona batho ba Nasarene ba kgabane, Churh of God, le jwalo, le se dumelle hona ho

thonkga, empa e shebeng ka hloko feela mme le shebe dipapiso. Shebang mme le bone hore na sebaka ka seng ha se otle ka ho phethahala na.

⁴² Ho ne ho e na le mekgahlelo e meraro ya leeto, mme ho na mekgahlelo e meraro ya leeto lena. Hoba, re beilwe ba lokileng ka tumelo, ka ho dumela ho Morena Jesu Kreste, ho tela lefatshe la Egepeta, ho tswa teng. Mme hape le ho halaletswa ka nyehelo ya Madi a Hae, ho hlatsuwa dibeng tsa rona, le ho fetoha baeti le bajaki, ka ho bolela hore re batla lefatshe, motse o tlang, kapa tshepiso.

⁴³ Ho bile jwalo le ka Iseraele lehwatateng, bajaki, ho se sebaka sa ho phomola, ba tsamaya bosiu ka bosiu, ho latela Topallo ya Mollo, empa qetellong ha fihlwa lefatsheng la pallo moo ba ileng ba dula fatshe.

⁴⁴ Ke hona moo modumedi a fihlang teng. Pele o fihlelwa ke boitemoho ba hore ke moetsadibe; a ntano arohangwa ka metsi; hlatsuo ya metsi, ka Madi, mme kapa... hlatsuo ya metsi ka Lentswe, nka rialo, ho dumela ho Morena Jesu Kreste. Hape, ka ho bewa ya lokileng ka tumelo, o fetoha monkakabelo, le ba le kgotso ho Modimo, ka Kreste, ho kolobeletswa ka Lebitsong la Jesu Kreste, ho mo siya a kene leetong. Le a e tshwara? A kene leetong! Eba o fetoha mojaki le moeti. O kene leetong la hae le yang kae? Tshepisong eo Modimo a e entseng.

⁴⁵ Iseraele e ne e eso ka e amohela tshepiso, empa ba ne ba le leetong la bona. Mme ntle le ho lhahisa... Utlwisisang ka kopo hle. Ke hona moo lona, Manasarene le Pilgrim Holiness, le ba jwalo, le weleng teng. Hoba, Iseraele, mohla ba neng ba fihla nqalong ya Kadeshe-Barnea, mohla dihlwela di tshelang mme di re, "Lefatshe leo le leholo." Empa ba bang ba bona ba kgutla ka polelo e reng, "Re ke ke ra le hapa, hoba metse eo e haeleditswe ka marako a phahameng, le jwalo-jwalo." Empa Joshua le Kalebe ba tswela ka thoko, mme ba re, "Re na le matla a fetisang ho le hapa!" Ka baka la dipolelo tsa bona tse neng di se di ngotswe di saenilwe, ba dumela mesebetsing e mmmedi ya mohau, tokafatso le kgalaletso, mme ba hloleha ho tswela pejana. Mme, utlwang, moloko oo wohle wa timela lefelleng. Haese ba babedi ba keneng lefatsheng la pallo le ho kgutla ba tshwere bopaki ba hore e ne e le lefatshe le letle, "mme re ne re e na le bokgoni bo fetisang ho le hapa, hoba e ne e le tshepiso ya Modimo." Jwale ho ena le hore batho ba tswe le pele, ho amohela Moya o Halalelang, ho bua ka dipuo, ho amohela matla a Modimo, kolobetso ya Moya o Halalelang, dipontsho, meeka, mehlolo, ba utlwa hore hoo ho tla roba moetlo wa bona wa thuto. Mme yaba ho etsahala'ng? Ba timela lefatsheng! Ke hantle.

⁴⁶ Empa badumedi, 'hlopha sa Kalebe le Joshua, ba neng ba habile tshepisong, ba tswela pele ho kena lefatsheng, le ho

hana lefatshe, mme ba aha lefatsheng, jwaloka lefa. Mme le ka mohla ha re emise tokafatsong, kgalaletsong. A re yeng pele kolobetsong ya Moya o Halalelang. A re se emise ho dumeleng ho Morena Jesu, ho kolobetswa. Re se eme kahobane A re hlwekisitse bophelong ba sebe. Empa jwale re peseletsa ho kena boemong, tshepisong ya kolobetso ya Moya o Halalelang. Hoba Petrose o boletse, ka Tsatsi la Pentekosta, "Hoba pallo ena e etseditswe lona, le bana ba lona, le ba leng hole kaofela, bao Morena Modimo wa rona a sa tla ba bitsa."

⁴⁷ Ka baka leo, Baefese mona e re bea jwaloka Joshua, ka madulo. Hlokomele, Joshua, ka mora hoba a tshelele lefatsheng, le ho hapa lefatshe, yaba o arola lefatshe. "Efraime mona, le boManase mona, le enwa mona, Gade mona, Benjamine mona." A arola lefatshe.

⁴⁸ Mme le hlokomele! Oho, hona ho tjhesa pelo tsa rona feela! E mong le e mong wa bomme bao ba Baheberu, ho tswaleng bana bao, o boletse sona sebaka seo, mahlabeng a hae a pelehi, moo ba tla beng ba beilwe teng lefatsheng la pallo. Oho, ke thuto e kgolo! Hola re ka kgona ho kena ho yona ka ho qhaqholla, e leng ho ka nkang dihora ka mora dihora. Tsatsi le leng ha re se re hllophisitse kereke ya rona, ke tla rata ho tla le ho nka kgwedi kapa tse pedi sekolokoto, ho dula tabeng eo feela hantle. Bonang mohla bao ba, e mong le e mong wa bomme bao, ha a ne a bitsa, "Efraime," mohla a neng a le pelehing, a mmea hantle madulong moo maoto a hae a neng a eme ka hara oli. Hantle feela e mong le e mong wa bona sebakeng sefe kapa sefe seo ba neng ba le ho sona!

⁴⁹ Mme Joshua, ntle le ho tseba hona, empa ka tshusumetso, ka ho etellwa pele ke Moya o Halalelang, ka mora ho kena lefatsheng la pallo, a abela monna e mong le e mong tshepiso ya hae, hantle feela se tshepisitsweng ke Moya o Halalelang ka tswalo morao kwana.

⁵⁰ Ka moo Modimo a beileng ba bang ka kerekeng, ka mahlabab a bona a pelehi! O, ka nako tse ding ba sisimosa. Nakong eo kereke e fehelwang tlasa tujo ya lefatshe le ka ntle, ho dumela ho Morena Jesu, ka hore tshepiso ya Moya o Halalelang e tiile hakaalo feela ho rona jwaloka ha ebile Pentekosta, kamoo ba fehelwang le ho lla mahlabeng a bona a pelehi! Empa ha ba tswalwa, le ho tswallwa madulong Mmusong wa Modimo, eba jwale Moya o Halalelang o beile ba bang ka kerekeng, ba bang baapostola, ba bang ke baporofeta, ba bang ke baruti, ba bang ke badisa, ba bang ke baboledi. Mme hape O abile ka mono, ho bua ka dipuo, phetholelo ya dipuo, tsebo, bohlale, dineo tsa phodiso, mefuta yohle ya mehlolo.

⁵¹ Moo kereke e leng teng...Jwale wona ke morero wa ka wa ho etsa hona. Kamehla kereke e leka ho nka sekgutlo sa motho

e mong. Empa le se etse hono. O ke ke wa lema koro sekgutlong sa Efraime, haeba o le Manasse. O loketse ho nka sebaka sa hao ka ho Kreste, ho se nka ho latela madulo. O, e a teba ebile e morumo ha re kena mona, kamoo Modimo a beang e mong ka kerekeng ho bua ka dipuo, e mong... Jwale, re nnile ra rutwa ka makgetlo amangata, “re loketse ho bua ka dipuo bohole.” Hoo ho phoso. “Re loketse ho e etsa bohole.” Tjhe, ha re a lokela. Bao bohole ba ne ba sa etse ntho e le nngwe. E mong le e mong...

⁵² E mong, lefatshe le ne le abilwe le ho hloptjhwa ka tshusumetso. Mme, e mong le e mong, nka nka Lengolo le ho le bontsha yona hantle, hore o ba beile hantle sebakeng seo ba neng ba loketse ho ba ho sona, madulong, kamoo halofo tse pedi tsa merabe di neng di loketse ho dula mose ho noka, ka moo bomma bona ba ileng ba meketsa hono tswalong ya bona, le kamoo tulo ka nngwe e neng e loketse ho ba kateng.

⁵³ Mme jwale hoba o kene ka hare, ha ho bolele hore o ka ntle o lokolotswe ntweng. O sa loketse ho lwanelia kgato e nngwe le e nngwe ya mobu oo o hatang hodima wona. Ka hona, o a bona, Kanana e ne e sa tshwantshe Lehodimo le leholo, hoba ke ntwa le mathata le dipolao le dintwa, le tse jwalo. Empa e tshwantshitse hona, hore e tshwanetse ebe motsamao o phethehileng.

⁵⁴ Ke hona moo kereke e hloleheng teng kajeno, motsamaong oo. Na o no tseba hore boitshwaro ba hao bo ka thisisa phodiso ya motho e mong? Boitshwaro ba hao, ba dibé tse sa bolelwang tsa lona badumedi, bo ka etsa hore kereke ena e hloleh hampe. Mme Tsatsing la Kahlolo o tla arabela karowlana e nngwe le e nngwe ya hona. O, o re, “Jwale, be butle, Moena Branham.” E bo, hoo ke Nnete. Nahanang ka yona!

⁵⁵ Joshua, hoba a tshelele ka lefatsheng, Modimo o no mo file tshepiso hore... Nahanang feela, ho lwantsha lebotho lohle ntle le ho lahlehelwa ke monna a le mong, ntle le ho fumana esita le mongwapo, ntle le ho fumana mooki, kapa thuso ya pele kapa ho tlamellwa. Amen. Modimo o boletse, “Lefatshe ke la lona, eyang le Iwane.” Nahanang, ho lwantsha lebotho lohle, mme ho se Sefapano se Sefubedu ho hang, ha ho motho ya tla tswa kotsi!

⁵⁶ Mme ba ile ba bolaya Baamore le Bahethe, empa ha ho le ya mong ya ileng a tswa kotsi ho mang kapa mang wa bona ho fihlela sebe se kena diahelong. Mme ha Akane a na nka kobo eo ya Babilona le leleme leo la gauta, le ho le pata tla tente ya hae, yaba tsatsi le hlahlamang ba lahlehelwa ke banna ba leshome le metso e tsheletseng. Joshua a re, “Emang! Emang! Be butleng motsotsa, ho na le taba e phoso! Ho na le taba e phoso mona. Re tla memela matsatsi a supileng a ho itima dijo. Modimo o re etseditse tshepiso, ‘Ha ho letho le tla re ntsha

kotsi.' Dira tsa rona di tla wela maotong a rona. Mme ho na le ho phoso mona. Ho na le ho tsamaileng ka phoso kae-kae, hoba re na le banna ba leshome le metso e tsheletseng ba robetseng mona ba shwele. Ke baena ba Maiseraele, mme ba shwele."

⁵⁷ Hobaneng ba shwele, banna ba se nang molato? Ka hobane monna a le mong a tlola mola. Le bona lebaka leo hona ho lokelang ho rutwa? Ere Kereke e sa tsepame, ho tsepama le Lentswe la Modimo, ho tsepama le Modimo le ho tsepama e mong ho e mong, ho tsamaya ka bophetheho ka kotloloho, ka phadimeho, pontsheng ya batho bohle, ka ho tshaba Modimo. Kahobane monna a le mong a utswitse kobo, mme a entse seo a na sa lokela ho se etsa, ha qosa mapheho a banna ba leshome le metso e tsheletseng! Ke a kgolwa e ne e le leshome le metso e tsheletseng, mohlomong ho feta. Ke dumela ebile banna ba leshome le metso e tsheletseng ba neng ba shwele.

⁵⁸ Joshua a bitsa, a re, "Ho na le ntho phoso! Modimo o entse tshepiso, mme ho na le ho phoso."

⁵⁹ Ha re tlisa bakudi pela rona, ba sitwa ho fola, re loketse ho memela ho itima dijo ho mahlonoko, ho bitsa phutheho. Ho na le ho phoso kae-kae. Modimo o entse tshepiso, Modimo o loketse ho tiya tshepisong eo, mme O tla e etsa.

⁶⁰ Yaba o memela ho itima dijo. Mme ba fumana, ba laola ka lotho. Mme Akane a ipolela ka hona. Yaba ba bolaya leloko la Akane le tsohle, le ho tjhesa melora ya bona, ba e siya moo e le sehopotso. Mme Joshua a tswelapele hantle dintweng, a hapa ntho e nngwe le e nngwe, ho se mongwapo kapa leqeba. Ke lona bao he.

⁶¹ Ka tsatsi le leng a ba le tlhoko, nakwana, nako e ekeditsweng. Letsatsi le se le ya dikela, banna ba ke ke ba lwana hantle nakong ya bosiu. Joshua, mohlabani eo e moholo, ya tlotsitsweng ke Modimo, ya beilweng madulong naheng eo, jwaloka Baefese Kerekeng e ntjha, ka ho rua, e ruile, e ruile lefatshe, ho le hapa. O na hloka nako e itseng, ka hona a re, "Letsatsi, ema!" Mme la ema hora tse ka bang leshome le metso e mmedi, ho fihlela a hapile lefatshe. Le a bona?

⁶² Jwale Buka ya Baefese e re beile ka madulo ka ho Kreste, seo ba neng ba le sona Lefatsheng le Halalelang. Re a bewa e sang Lefatsheng le Halalelang, empa ka ho Moya o Halalelang! Jwale a re baleng Lentswe feela, ho bona kamoo kereke e phethahetseng kateng.

Ke le Paulose, moapostola wa Jesu Kreste ka thato ya Modimo, . . .

⁶³ Oho, ke rata hono! Modimo o mo entse moapostola. Ha ho baholo ba beileng matsoho hodima hae, ha ho babishopo ba mo rometseng sebakeng se sang, empa Modimo o mmitsitse le ho mo etsa moapostola.

Ke le Paulose, moapostola wa Jesu Kreste ka thato ya Modimo, ke ngolla bahalaledi (ba halaleditsweng) ba Efese, e leng ba dumetseng ho Jesu Kreste:

⁶⁴ Hlokamelang kamoo a e beang kateng. Hona ha ho a lebiswa ho basadumeleng. Hona ho lebisitswe kerekeng. Ho mengwa bao ba bitsitsweng, ba halaleditsweng le ba bitsitsweng ba ho Kreste Jesu.

⁶⁵ Jwale, ha le batla ho tseba mokgwa wa ho kena ka ho Kreste Jesu, ha le ka phetla ho I Bakorinthe 12, e boletse, "Hoba ka Moya o le mong re kolobetswa bohole Mmeleng o le mong." Jwang? Ho kolobetswa ka eng? Moya o Halalelang. E seng ka kolobetso ya metsi, lona batho ba Church of Christ, empa ka tlhaku e kgolo M-o-y-a, ka Moya o le mong. E seng ka ho tsukutlana hang ka letsaho, ka lengolo le le leng, e seng ka hofafatswa hang. Empa ka Moya o le mong re kolobetswa bohole Mmeleng o le mong, lefa la rona, lefatshe leo Modimo a re fileng lona ho phela ho lona, Moya o Halalelang. Jwalo feela kaha A file Bajode Kanana, O re file Moya o Halalelang. Ka Moya o le mong re kolobetswa bohole Mmeleng o le mong. Le a e tshwara?

⁶⁶ Jwale, o bua le Bakanana ba moyo, Israele, Israele ya moyo e seng e ruile lefatshe. O, na ha le a thaba ha le tlohilie dieiyeng tsa Egepete? Na ha le a thaba ha le tswile lehwatatem? Mme, hopolang, ba ne ba loketse ho ja manna, dijо tsa Mangeloit tse tswang Lehodimong, ho fihlela ba tshelela ka kwana lefatsheng. Mme yareha ba tshelela ka kwana lefatsheng, manna a kgaotsa ho na. Ba se ba hodile ba tiile he, yaba ba ja koro ya kgale ya lefatshe. Jwale, erekaha le sa hhole le le masea, jwale erekaha le sa hhole le nyorelwae lebese la Evangedi le sa tswakwang, le sa hloke ho nna le neneswa, le ho phaphathwa, le ho hatellwa ho tla kerekeng, jwale le Bakreste ba tiileng ruri ba hodileng, le loketse ho ja nama tse tiileng jwale. Le loketse ho kena nthong e nngwe, o itsalo. Le loketse ho utlisisa ho hong ho tebileng ho enneng. O, re tla kena ho yona ka ho otloloha. Mme, oho, e patilwe esale ho thewa lefatshe. O boletse, "Jwale erekaha le kene ka mona, hona ke ho lebisitse ho lona." E seng ho bao ba sa tswa tloha Egepete, e seng ho bao ba sa leng leetong, empa ho bao ba leng lefatsheng la pallo, ba amohetseng tshepiso.

⁶⁷ Ke ba bakae ba amohetseng tshepiso ya Moya o Halalelang? O, na ha le a thaba ha le le lefatsheng mose o ka kwano mona jwale, le ej a koro tiileng, ho ja dintho tse thata tsa Modimo mme le na le kutlwisiso e hlakileng. Kelello tsa lo-lona tsa moyo di edisitswe ka hohle. Le tseba hore na Yena ke mang. Le tseba hantle hore na Yena ke eng. Le tseba hantle moo le yang teng. Le tseba hohle hantle ka Hona. Le tseba Eo le dumetseng ho yena mme le kgolwa ruri hore O kgona ho

phethahatsa seo le se beileng kalosong ya Wona tsatsing lena. O, eo ke yena, ke yena eo Paulose a buang le yena jwale. Mamelang ka hloko. Jwale bonang.

...ba dumetseng ho Kreste Jesu:

⁶⁸ Jwale, a nke ke laele kereke ho phetha hono. Re kena jwang ka ho Kreste? Ka ho ikopanya le kereke? Tjhe. Ka ho ngola lebitso la rona bukeng? Tjhe. Ka ho kolobetswa ka ho inwa tlasa metsi? Tjhe. Re kena jwang ka ho Kreste? Ka Moya o Halalelang o le mong re kolobeletswa bohole tshepisong e le nngwe, Mmele, mme re majalefa a tsohle tse lefatsheng leo. Amen! O, ke—ke rata hono. Hola ke sa tjha lentswe, ne nka hweletsa. Kgele, ha ke kena lefatsheng lena, ke la ka. Ke hae jwale; ke Kanana. Ke tlasa ntho e nngwe le e nngwe eo Modimo a batlang ho ntshebedisetsa yona. Ke tsamaya dinqalong tse halalelang, ngwana Morena, ke apesitswe mme ke lokile. Ke tswile Egepeta, ho feta le lefatsheng la pallo, ho emela diteko, ho tshela Jordane ho kena tshepisong ena e tlotleheng. Oh, ke e fumane jwang? Ka Moya o le mong. Ka ho tshwana le kamoo Paulose a O fumaneng, wa sebetsa ka ho tshwana hodima ka ka moo O entseng hodima hae, ka mokgwa o tshwanang le oo O sebeditseng hodima hao. Ka Moya o le mong re kolobeletswa bohole. E seng hofafatsha,fafatsonyana feela ya Wona e utlwahala e le monate haholo; empa ho inwa! Bohle ba sesiswa tlasa hoo, ka ho Moya o Halalelang. Ke tshepiso eo.

⁶⁹ Baefese ba rona, Joshua wa rona, e leng Moya o Halalelang, *Joshua* ke ho bolela “Jesu, Mopholosi.” Joshua e bolelang Moya o Halalelang ho e baptisa semoyeng jwalokaha hoo ho entse nameng, hore Yena ke Mohlabani wa rona e moholo. Ke Moetapele wa rona e moholo. Jwaloka ha Modimo a na e na le Joshua, ka mokgwa o tshwanang Modimo (Moyeng o Halalelang) o re tsamaisa hohle. Mme ha sebe se kena diahelong, Moya o Halalelang o memela hore ho engwe tsi, “Molato ke’ng ka mona kerekeng ee? Ho na le ho phoso.” Oh, kana ha le bone kamoo re nang le bara ba bangata ba Kishe jwale? BoSaule ba bangata haholo ba tswang mephatong le dikolong tsa thutamodimo le ho tswela ntle le ho ruta ntho tsena tse sokameng, jwaloka ha Bibele e boletse ho re ba tla ho etsa, ka baka la, ho hloka Tumelo, ba tswile ho lona, ha ba phuthehe mmoho le lona, le jwalo-jwalo, ba nang le sebopheho sa borapedi mme e le ba latolang Matla a jona, le ba jwalo o ba furalle.” Ha ba tsebe moo ba tswang teng, ba ke ke ba fana ka lebaka la letho.

⁷⁰ Ke bolela hona ho tswa ho Moena Booth Clibborn, motswalle wa ka, haeba ho na le ntho ya bo...bonyatsi e sa hlolwang ke modimo, ntho efe feela lefatsheng, ke moulu. Moulu ke ntho e ka tlasa tsohle ka ho fetisisa. Ke...ha o—o tsebe seo o leng sona. Ha o kgone ho ikatissa hape. Moulou o ke

ke wa nehelwa moulu o mong mme wa fetoha moulu. O fedile. Ha o tsebe moo ntata wona a tswang teng, ka mokgwa o tshwanang ha o tsebe mma wona, hoba ke ese—eselenyana le pere e tshehadi. Modimo ha a eso etse hono. Le se ke la ba la leka la ribeha ntho e jwalo ho Modimo. Modimo ha a ka a etsa hono. Modimo o boletse, “Ntho e nngwe le e nngwe e tla hlahisa ya mofuta wa yona.” E, monghadi. Empa moulu ke—ke...ntata ona e ne e le esele mme mma ona e ne e le pere e tshehadi, ka hona ha o tsebe moo o welang teng. Ke—ke—ke pere e lekang ho etsisa moulu, kapa moulu...kapa ke pere e lekang ho etsisa esele, esele e lekang ho etsisa pere. Ha o tsebe moo o welang teng. Mme ke ntho e hlohothata ka ho fetisisa lefatsheng lohle. O ke ke wa bea tsheponyana ho wona.

⁷¹ Mme ke kamoo bongata ba batho bo leng kateng ka kerekeng. Ha ba tsebe hore ntata bona ke mang, ha ba tsebe hore mma bona ke mang. Ntho feela eo ba e tsebang, ke Presbeteriene, Methodise, Baptise, kapa Bapholoswa, kapa ho hong. Ha ba tsebe moo ba tswang teng. Esele ya kgale, o ka e kgarumela haholo kamoo o batlang ho e kgarumela, mme e tla ema mono feela mme e peralatse ditsebehadi tseo, mme e shebe. O ka ba rerela bosiu bohole, mme ha ba tsamaya ha ba tsebe letho ho feta ha ba ne ba kena. Jwale, hoo ho nepahetse feela. Ha ke a ikemisetsa ho kgohlalahala, empa ke batla ho le bolella Nnete.

⁷² Empa ho na le ntho e le nngwe e di kgonang ho e etsa, ke basebetsi ba makgonthe. Oho, di a sebetsa, sebetsa, sebetsa, sebetsa feela. Hoo ho nkogopotsa sehlopha sena sa Maarminiane se lekang ho sebeletsa tsela ya bona ho kena Lehodimong. Ke hantle, moulu. Oh, Sosaite sa Thuso sa Mafumahadi, le selallo sa nama ya kgoho, hoba ba lefa, moreri. “Mme re loketse ho tshwara tantshe ena, le meqoqo ena.” Ke mosebetsi, mosebetsi, mosebetsi, mosebetsi, mosebetsi, mosebetsi feela. Mme, bao, ba sebeletsa’ng?

⁷³ Ba botse, “Na le amohetse Moya o Halalelang ho tloha le dumetse?”

⁷⁴ Ba hlahlabanya ditsebe tsa bona, mme ha ba tsebe moo ba welang teng, “O bolela’ng na? *Hona* hohle ho tswa kae? O bolela’ng, ka Moya o Halalelang? Ha ke eso ho utlwele letho ka Wona. Oh, o loketse o be e le lehlanya la mofuta o itseng.” Le a bona, ha ba tsebe ntate e ne e le mang, kapa mme e ne e le mang, le hona. Mme o loketse ho ba shapela ntho ka nngwe eo o e etsang, ho shapa *mona* le ho shapa *mane*, le ho shapa *mona* le ho shapa *mane*. Ke hantle, moulu wa kgale.

⁷⁵ Empa, ke a o bolella, ha o a tlameha ho etsa jwalo ka pere ya lesika. Tswibila sephadi hang feela hodima yona, mme moena, e a thakgoha. E tseba seo e se etsang. Oh, ho monate

hakakang ho kalla ya lesika! Ho monate hakakang ho re, “A re ye, moshaana.” Oho, monna, o mp’o itshwarelle, e tla lahla qhana sebakeng.

⁷⁶ Ho jwalo le ka Bakreste ba makgonthe ba lesika. Hallelua! “Amohelang Moya o Halalelang. Bakang, e mong le e mong wa lona, mme le kolobetswe ka Lebitso la Jesu Kreste, tshwarelong ya dibe tsa lona.” Ba ile, ka pele kamoo ba ka kenang metsing, ba ile. Ba ke ke ba phomola motsheare le bosiu ho fihlela ba amohetse Moya o Halalelang. Hobaneng? Le a tseba, Mokreste o tseba hore Ntatae e ne e le mang. Le a bona, tswalo e hloka ba babedi. Ke hantle, mme le ntate. Moulu ha o tsebe ntate e ne e le ofe, kapa mme e ne e le ofe. Empa rona re a tseba hore Ntate le Mme e ne e le boMang, hoba re tswetswe ke Lentswe le ngodilweng la Modimo, ka ho tiiswa ke Moya. Petrose o boletse, ka Tsatsi la Pentekosta, “Ha le ka baka mme la kolobetswa, e mong le e mong wa lona, ka Lebitso la Jesu Kreste, tshwarelong ya dibe tsa lona, le tla nka neo ya Moya o Halalelang.”

⁷⁷ Mme, moena, Mokreste wa makgonthe ya tswetsweng la bobedi, (oho, kgidi) moya wa hae, hang feela ha a fumana Lentswe, o amohela Moya o Halalelang. Mmotse ho hong he! O tseba moo a emeng teng. “O dumela phodisong ya Kgalalelo?” “Amen.” “O dumela ho Tleng la Bobedi?” “Amen.”

⁷⁸ Botsa moulu hono. Bodumedi ba moulu, “Aa, ha ke tsebe. Ngaka Jones o na re . . .” Aha! Ke moo, tsamaya o sale Saule morao. Le a bona? “Oh, ha ba tsebe. E bo, ke a o bolella, kereke yaka ha e na bonneta ba Yona.”

⁷⁹ Oho, moena, empa monna le mosadi ya tswetsweng la bobedi o tiile hakaalo ka ho Tla ha Morena Jesu, ba tiile hakaalo feela hore ba na le Moya o Halalelang jwalokaha ho e na le Moya o Halalelang o tla abjwa.

⁸⁰ Jwale, Jesu o boletse . . . Mosadi sedibeng, “Re rapela thabeng ena, mme Bajode ba rapela Jerusalema.”

⁸¹ A re, “Mosadi, utlwa Lentswe la Ka! Hora e tla tla, le jwale e se e fihlile, eo Ntate a batlang ba Mo rapelang ka Moya le ka Nnete.”

⁸² Lentswe la Hao ke Nnete. Mme motho e mong le mong ya balang Bibele mme a dumela Lentswe leo Bibele e le bolelang, mme a latela ditaelo tsa Yona, le ho amohela wona Moya o Halalelang oo ba o amohetseng, ka mokgwa oo ba ileng ba O amohela, ka tsona ditholwana tseo ba O amohetseng ka tsona, ka wona matla ao ba neng ba e na le wona mohla ba neng ba O amohela, o a tseba hore Ntatae le Mmae e ne e le mang. O a tseba hore o hlatswitswe Mading a Jesu Kreste, ho tswalwa ka Moya, ho tlatswa ka tiiso ya Modimo. O tseba moo a emeng teng. Ehlide! O Kanana. O tseba moo a tswang teng. Ho jwalo le ka Mokreste wa makgonthe. Mo botse, “Na o amohetse Moya o Halalelang ho tloha o dumetse?” “Amen, moena!”

⁸³ Tsatsi le leng ke ne ke eme pela mohalaledi wa kgale, ya dilemo di mashome a robong a metso e mmedi, a ntsa qoqa le moruti ya dilemo di mashome a robedi, ka re, “Nkgono?”

Ka ho ela feela kamoo a neng a ka ela, a re, “E, mora.”

⁸⁴ Ka re, “Ke nako e kae ho tloha o amohetse Moya o Halalelang?”

A re, “Ho bokwe Modimo! Dilemong tse mashome a tsheletseng tse fetileng ka na ka O amohela.”

⁸⁵ Jwale, ha e ne e le moulu, o ka be a itse, “Jwale, be butle motsotso, ke tiiseleditswe mme kafafatwa ha ke sa le... E bo, homme ruri, ba nkenya ka kerekeng mme ka isa lengolo ho nnyeo.” Oho, mohau! Ha ba tsebe le moo ba welang teng.

⁸⁶ Empa mosadi eo o tseba moo tokelo ya hae ya boholo e tswang teng. O na le teng ha e ne e etsahala. O tswetswe ka metsi le ka Moya. O tsebile, le metsi ka hlatsuo ya metsi ka Lentswe, ho nka Lentswe.

⁸⁷ Jwale bonang ka moo taba ena e bolelwang, “Ho bao ba leng ka ho Kreste Jesu.” Paulose, jwale, hopolang... Ke nka nako e telele, empa nke ke ka qeta kgaolo ena. Empa ke tla potlaka... Na le a e rata? Oh, E re bolella moo re leng teng, empa re ke ke ra ho etsa ka bosiu bo le bong feela. Re hloka kgwedi kapa tse pedi tsa hona, bosiu bo bong le bo bong, ho feta ho Yona hantle feela, Lentswe ka Lentswe. Ho kgutla le ho e ntsha dihisetoring le ho e ala hantle, Lentswe ka Lentswe, le ho le bontsha hore Ke Nnete. Jwale e re ke bale temana eo hape kapele hape.

Ke le Pauluse, moapostola wa Jesu Kreste ka thato ya Modimo (e seng thato ya motho), ho bahalaledi ba Efese, le (lekopanyi) ho badumedi ba leng ho Kreste Jesu:

⁸⁸ Ho bolelang hore, “Ba bitsitswe, ba beetswe ka thoko, mme jwale ba kolobeditswe ka Moya o Halalelang, mme ba ka ho Kreste Jesu. Ke lebisitse lengolo lena ho lona, baratuwa ba ka.” Oh! Ke nahana ka Paulose mono le bona hona jwale hantle, oh, a se le thabo! Moapostola eo wa batho hlooho ya hae ya kgaolwa shoqo tlase mono. Ke ne ke eme sebakeng seo ba kgaoletseng hlooho ya hae teng. Empa, oh, hlooho ya hae e hodima mmele oo o motjha, mme e ke ke ya hlola e kgaolwa shoqo hape. Mme o eme le bona hona moo motsotsong wona ona, yena moapostola ya ngotseng Hona. Le ho re, “Ho lona ba leng ka ho Kreste Jesu! Ka Moya o le mong re kolobetswa bohole Mmengleng ona o le mong.” Jwale bonang.

A le ke le newe mohau, le kgotso, ke Modimo Ntata rona, le... Morena Jesu Kreste.

*Ho bokwe Modimo Ntata Morena wa rona Jesu
Kreste, ya re hlohonolofaditseng ka... (Oh, o utlwa
hoo, Charlie?)... re hlohonolofaditseng ka
mahlohonolo wohle a moya...*

⁸⁹ E seng a mang feela ho baapostola, le a mang ho *hona*, empa O re hlohonolofaditse ka mahlohonolo wohle a moya. Wona Moya o Halalelang o tsholohileng ka Tsatsi la Pentekosta ke wona Moya o Halalelang o leng mona bosius bona. Wona Moya o Halalelang o entseng hore Maria a hweletse le ho bua ka dipuo, le ho ba le nako e babatsehang le ho nyakalla, le dintho tseo a di entseng, ke wona Moya o Halalelang bosius bona. Wona Moya o Halalelang o dumeteletseng Paulose sekepeng seo, moo e neng eka se momme metsi mme ho fedile ka sona, ka matsatsi a leshome le metso e mene, le masiu, ho se kgwedi le dinaledi. A sheba ntle kwana mme leqhubu ka leng keha le palangwe ke diabolosi hodima lona, a tsikitlanya meno le ho a bea lepalapaleng, le ho re, “Ke tla o qwedisa moshaana wa kgale, jwale. Ke o fumane.”

⁹⁰ Mme yare ha Paulose a theohetse ka tlase ho rapela ha nyenyane, Lengeloi ke leo moo le emeng, “Se tshohe, Paulose. Sekepe sena sa kgale se tla swahlamana sehlekehlekeng se itseng. Tswela pele mme o je dijo tsa hao tsa mantsiboya, ho itoketse jwale.”

⁹¹ Ke enwa a etla ka mahlaahlela ao matsohong a hae a kgale, aa hulanya maotong a hae, “Kgothalang, banna, hoba Modimo, Lengeloi la Modimo, leo ke leng mohlanka wa lona, le ne le eme pela ka mme la re, ‘Paulose, o se tshohe.’” Wona Moya o Halalelang oo o leng teng mona bosius bona, wona Moya oo wa Modimo, o re sebeletsa ka mahlohonolo wona ao a moya.

*...ya re hlohonolofaditseng ka mahlohonolo wohle a
moya mahodimong...*

⁹² Oh, a re emiseng motsots o le mong feela mona. “Dibakeng tsa mahodimo.” Jwale, e seng feela ntle mono, empa dibakeng tsa mahodimo. Re phuthehile “mahodimong,” hoo ho bolela hono sebaka sa modumedi. Ho re, haeba ke rapetse ka botlalo, o rapetse ka botlalo, kapa kereke e rapetse ka botlalo, mme re loketse Molaetsa, le ho phutheha mmoho jwaloka bahalaledi, ba bileditsweng ka ntle, ba kolobeditsweng ka Moya o Halalelang, ba tlatsitsweng ka mahlohonolo a Modimo, ba bitsitsweng, ba kgethilweng, ba dutseng hammoho dibakeng tsa Mahodimo jwale, re Lehodimo meyeng ya rona. Meya ya rona e re kentse boemong ba Lehodimo. Oho, moena! Ke moo he, boemo ba Lehodimo! Oho, ho no ka etsahalang bosius boo, ho no ka etsahalang bosius boo hola re ne re dutse mona boemong ba Lehodimo, mme Moya o Halalelang o tsamaya hodima pelo e nngwe le e nngwe e tswetsweng ka botjha, mme e le mmopuwa e motjha ho

Kreste Jesu? Dibe tsohle di kene tlasa Madi, ho kenwe borapeding bo phethehileng, matsoho a rona a phahametse ho Modimo le dipelo tsa rona di phahamiseditswe hodimo, ho dutswé dibakeng tsa Lehodimo ka ho Kreste Jesu, ho rapela mmoho dibakeng tsa Lehodimo.

⁹³ Na o kile wa dula hose seng? Oho, nkile ka dula ho fihlela ke lliswa ke thabo le hore, “Modimo, o se ntumelle ho sutha mona.” Dibaka tsa Lehodimo feela ka ho Kreste Jesu!

⁹⁴ Ho re hlohonolofatsa ka eng? Phodiso ya moyo, boitsebelopele, tshenolo, dipono, matla a mangata, dipuo, diphetolelo, bohlale, tsebo, mahlohonolo wohle a Lehodimo, le thabo e ke keng ya bolelwa e tletseng Kganya, pelo ka nngwe e tlatsitswe ka Moya, ho tsamaya mmoho, ho dula dibakeng tsa Lehodimo mmoho, ho se mohopolo o mobe hara rona, ho se sakretse e le nngwe e tsubjwang, ho se mosana-peyana o le mong, ho se nthoe le nngwe ya *hona, hwane* kapa *ho hong*, ho se mohopolo le o mong o mobe, ha ho motho ya nang le letho kgahlano le e mong, e mong le e mong o kgopolong e le nngwe tulong e le nngwe, “yaba hang ho utlwahala modumo wa moyo o fokang ka sefeso ho tswa Lehodimong.” Ke lona bao he, “Ya re hlohonolofaditseng ka mahlohonolo wohle a moyo.”

⁹⁵ Mme Moya o Halalelang o ka nna wa tsholohela hodima motho e mong, le ho re, “HO RIALO MORENA. Tsamaya o ye sebakeng se itseng mme o etse ho itseng.” E lebelleng ha e etsahala jwalo feela hantle. [Moena Branham o thantha monwana wa hae hararo—Mong.] Le a bona? “HO RIALO MORENA. Etsa ntho e itseng sebakeng se itseng.” E lebelleng ha e etsahala jwalo. [Moena Branham o thantha monwana wa hae habedi—Mong.]

⁹⁶ “Ho re hlohonolofatsa hammoho ka mahlohonolo wohle a Lehodimo dibakeng tsa Lehodimo.” Bonang!

Kamoo o re kgethetseng ho . . .

⁹⁷ Na re Mo kgethile, kapa O re kgethile? O re kgethile. Neneng? Bosiung boo re neng re Mo amohela ka bona? Ho kgethwa!

*Kamoo o re kgethetseng ho yena kateng ha o ne o eso
ho thee lefatshe, hore re tle re halalele . . . re hloke
sekodi pela wona . . . (mekgatlong?) . . . leratong:*

⁹⁸ Modimo o re kgethile neng? Modimo o kgethile neng wena o nang le Moya o Halalelang? O o kgethile neng? Ho eso ho thewe lefatshe. [Sekgeo lebanteng—Mong] . . . motheo wa lefatshe, A o kgetha. Le ho romela Jesu E tle e be pheko ya dibe tsa hao, ho o biletsha poelanong, ho Yena ka sebele, leratong. Oh, eka re ka be re e na le metsotso e mmalwa hape ya nako.

⁹⁹ A e re, pele re tswela pele, ke kgutlele morao, Genese 1:26. Ke tla e qotsa ka Laboraro. Ha Modimo a ne a bopa motho.... Pele A bopa motho, A Ipitsa “El,” E-l, El; E-l-h, “Elah,” “Elohim.” Lentswe leo le bolelang, ka Seheberu, “ho ba teng ka bokgoni ba hao,” ka boYena ka hohle. Ha ho ntho e bileng teng pele ho Yena, E le bona feela boteng bo kileng ba ba teng le ka mohla, Ya leng teng ka bokgoni ba hae! El, Elah, Elohim, le bolela, “ya rui leng bokgoni bohle, ya rui leng boholo bohle, Yamatlaohle, Ya leng teng ka bokgoni ba hae.” Oh!

¹⁰⁰ Empa ho Genese 2, ha A ne a bopa motho, O itse, “Ke nna, Y-a-h-u, J-u-v-u-h. Jvh, “Jehova” Ho no bolelang? “Ke nna Ya leng teng ka bokgoni ba ka Ya bopileng ho hong ho tswang ho Nna ka sebele, hore ebe mora wa Ka, kapa wa nakwana, kapa e monyenyan, ngwana’ Ka.” Thoriso! Hobaneng? O abetse motho....Jehova ke ho bolela hore O abetse motho hore ebe modimo o monyenyan. Hoba Yena ke Ntate, Modimo, O entse motho modimo o monyenyan, ha ho le jwalo ha E sa hhole e le Ya leng teng ka boyena, O teng le leloko la Hae. Elah, Elah, Elohim. Jwale, jwale Ke Jehova. *Jehova*, e bolelang ho re, “Eo Ya leng teng le lelapa la Hae.” Jwale, Modimo o bopile motho etlebe ya renang hodima lefatshe lohle, o ne a e na le puso. Mme lefatshe e le nqalo eo motho a busang ho yona. Na hoo ke Lengolo? Efela ha hoo e le nqalo ya hae eo a busang ho yona, e ne e le modimo hodima lefatshe. A ka bua, mme ho be jwalo. A ka bua *hona*, mme ho be jwalo. Ke Eo moo a leng teng, Modimo, Jehova, Yena Ya neng a le teng ka bokgoni ba hae, empa jwale o teng le lelapa la Hae, hape le bana ba Hae ba na le Yena. Ke lona bao he.

¹⁰¹ Jwale, balang hono. Re tla kena ho yona Laboraro bosiu, ha re na le nako e ngatanyana. Re na le metsotso e ka bang leshome le metso e mehlano mme re tla....Ke ne ke hopotse hore re tla fihla tulong e nngwe mona, empa re ke ke ra kgona, moo teng re tshwailweng ke Moya o Halalelang wa pallo. Ke hantle.

¹⁰² Jwale, re bileditswe neng ho ba basebeletsi ba Modimo? Orman Neville o bileditswe neng ho ba mosebeletsi wa Modimo? Oho, kgele! Hona ho etsa ke thekesele. Ke tla le bolella, a re nkeng Mangolo a mang. Ke batla o tshware Petrose wa Pele 1:20. Mme, wena Pat, o tshware Tshenolo 17:8. Mme nna ke tla nka Tshenolo 13. Jwale re batla ho mamela mona, o batla ho tseba Modimo o o bileditse neng ho ba Mokreste. Oh, ke rata hona. Hona ke, “Motho a ke ke a phela ke bohobe feela, empa le ka Lentswe le leng le le leng le tswang molomong wa Modimo.” Ke hantle, Moena Neville o tshwere Petrose wa Pele 1:20. [Moena Neville o re, “1:20.”—Mong.] Ha ho le jwalo, bala 1:19 le 1:20. Utlwang hona. [“1:19 le 20.”] E. [Moena Neville o bala Petrose wa Pele 1:19-20—Mong.]:

Empa e le ka madi a bohlokwa a Kreste, konyana e se nang letheba le sekodi:

Ya neng a rerwe lefatshe le eso ho thewe, a ntoo bonahatswa mehleng ya qetelo ka baka la lona.

¹⁰³ O ne A rerwe neng? Ho eso ho thewe lefatshe. Moena Pat, mpalle Tshenolo 17:8. [Moena Pat o bala Tshenolo 17:8—Mong.]

Sebata seo o se boneng se neng se le teng, mme ha se yo: se se se tla nyoloha sekoting, se ntoo ya tahlehong: mme ba ahileng lefatsheng bao mabitso a bona a sa kang a ngolwa bukeng ya bophelo haesale lefatshe le thewa, ba tla makala, ha ba bona sebata hobane se se se le teng, mme ha se yo; a the se tla boela se be teng.

¹⁰⁴ Ke mang ya tla thetswa? Ke mang ya tla thetswa ke motho enwa ya tletseng borapedi ka moo Saule a neng a le kateng? Ya neng a le mano mme a phethahetse hoo ho ka thetsang eng? Bona Ba... [Phutheho e arabela “-kgethwa”—Mong.] hola... [“ho ka etswa.”] hola ho ka etswa. Ho lokile, Tshenolo 13:8, e re ke le balle yona.

Mme sa rapelwa ke bohole ba ahileng... bohole ba ahileng lefatsheng, bao mabitso a bona a sa kang a ngolwa bukeng ya bophelo ya Konyana e hlabilweng pele lefatshe le thewa.

¹⁰⁵ Mabitso a rona a ngotswe neng Bukeng ya Bophelo ya Konyana? Mohla Konyana e neng e hlabilweng pele ho thewa lefatshe. Ha Modimo e ne e le Jehova, El, Elah, Elohim, Ya leng teng ka bokgoni ba hae. Jwalo feela ka Taemane e le nngwe e kgolo, mme E ke ye ya ba letho le sele, empa ka hara Taemane ena ditholwana [“attributes”—Mofetoledi.] tsa Hae e ne e le Mopholosi. Tholwaneng ena, ka ho Yena, e le Mofodisi. E bo, ka mokgwa wa teng, ho no se letho le ka pholoswang mme ho se letho ho fodiswa, empa ditholwana tsa Hae tsa hlahisa hono. Ka baka leo, pele ho thewa lefatshe, ha A se a tsebile, hore ponahatso ya Hae e kgolo ka hare ka mona, ya hore E tla ba Mopholosi, hore O tla tla mme a etswe nama le ho aha hara rona, mme A tseba hore re tla fodiswa ka maqeba a Hae, A hlaba Konyana Bukeng ya Hae pele ho thewa lefatshe, le ho ngola lebitso la hao Bukeng eo pele ho thewa lefatshe. Oh!

¹⁰⁶ Utlwang Hona! Boitherelo pele bo sheba morao ho boitsebelo pele, ke batla ho re kgetho. Kgetho e sheba morao ho boitsebelo pele, mme boitherelo pele bo sheba bofellong. Le se lebale hono, hore kgetho e sheba morao mona, ke ena moo e leng teng, “Ke ne ke le hlaba labane. Ke tswaletswe sebeng, ke bopetswe bokgopong, ke tlide lefatsheng ke bua mashano, ke hlahetse hara baetsadibe. Ntate le mme esita le leloko lohle la heso, baetsadibe. Ke ne ke le hlaba labane. Empa, hang feela, ka fetoha tlhaku ya koro. Taba eo e etsahetse jwang?” Hono, hono ke eng? Kgetho. Modimo, Pele ho thewa lefatshe, a kgetha

hore hlabahlabane e tle e fetohe tlhaku ya koro. “Jwale ke a tseba hore ke tlhaku ya koro, hoba ke pholositswe. Ke etsa hoo jwang?” Ka ho sheba morao le ho bona hore O e rerile esale pele, kgale morao kwana. Ka boitsebelo pele A bona hore ke tla Mo rata, ka hona A etsa pheko ka Mora wa Hae ka Sebele, hore ka Yena ke tle ke fetohe ho tloha hlabahlabaneng ho ya tlhakung ya koro. “Jwale, ha jwale ke hokae?” Ke pholositswe, ke tsamaya mohaung wa Modimo. “Boitherelo pele bo shebang?” Bofellong. “O tla nkisa kae, le hore ke ya kae?” Amen. Hoo ho o tshwere. Ke wena eo.

¹⁰⁷ Jwale a re balleng ho ya pejana, mme re tla lokela ho kwala nakwaneng e kgutshwane ruri.

*Kamoo o re kgethetseng ho yena kateng, ha o ne o
eso ho thee lefatshe hore re tle re halalele...re hloke
sekodi pela wona hobane leratong la wona:*

*O ne o re rere pele ho re bea, o re rere pele ho re bea
bana ba wona ka Jesu Kreste, ka ketso ya boithatelo ba
wona,*

¹⁰⁸ O ile a etsang? Yena, ka ho tseba pele, o re bone pele, tsebong ya hore E ne e Mopholosi, ho ba teng ka bokgoni ba hae. Ho ne ho se Mangeloi, ho se letho; haese Modimo, Elah, Elohim, Ya leng teng ka bokgoni ba hae, ho se letho haese Yena feela a le mong. Empa ka ho Yena e le Mopholosi. Ebe, O tla pholosa eng, ha ho letho le lahlehileng? Ka ho tseba hono, efela O tsebile hore tholwana ena e kgolo ka ho Yena e ne e tla hlahisa ntho e nngwe mono A ka e pholosang. Mme ha e entse hono, ka boitsebelo pele A sheba fatshe mme A bona e mong le e mong ya neng a tla E amohela. Mme ka ho etsa jwalo, yaba O re, “Ho pholosa hono, mokgwa o le mong feela Nka ho etsang, etlaba ka ho theohela fatshe ka boNna le ho etswa nama le ho nka sebe sa motho hodima Hae, le ho mo shwela, Ke tle ke be Ya rapelwang,” hoba Ke Modimo, kananelo e rapelwang.

¹⁰⁹ Yaba O a theoha mme a Ipelesa hona. Mme yare ha A etsa hono, A etsa hono hore A tle a pholose lona ba batlang ho pholoswa. Le bona seo ke se bolelang? Ka boitsebelo pele, Modimo o hlokang-phello, O tsebileng dintho tsohle, a bona Konyana, mme A hlabi Konyana pele ho thewa lefatshe, mme A ngola lebitso la hao Bukeng ya Bophelo ya Konyana. Mme A bona thetso ya Satane, seo a neng a tla se etsa. Ka baka leo A ngola lebitso la hao mono. Mme O boletse hore antikreste o tla tlala borapedi, ho loka hakana, thaka le kgabane hakana, monna ya masene hakana, monna ya tletseng borapedi hona, hoo a tla thetsa le bona bakgethwa hola ke ntho e ka etswang. Empa ke ntho e ke keng ya etswa, hoba mabitso a bona a kgethile pele ho thewa lefatshe. Ka kgetho A ba kgetha, mme ka boitherelo pele ba tseba moo ba yang teng. Ke lona bao he.

¹¹⁰ Jwale, ke mang ya ka belaelang hono? Ke seo Paulose a se boletseng. Ke Lengolo la Paulose. Ke sengolwa sa Paulose. Ke seo a se rutileng kereke ya hae. Kereke, madulong, pele lefatshe le thewa. Ha Modimo, bohlokong ba Hae ba pelehi, a ne a tswala, ho o tswala, ka tsebo ya seo o neng o tla se etsa, A o bea madulong ka hara Mmele wa Hae ka Sebele, ho ba mmalelapa, hoba sehwai, ho ba moreri, ho ba moporofeta, ho ba *hona*, kapa ho ba *hwane*. A o bea madulong sebakeng. Ha re se re tswile dinaheng tsa dieye tsa Egepeta, ka kgalaletso, mme re kolobeleditswe ka lefatsheng la pallo... Hoba, pallo ya Modimo ke Moya o Halalelang. Baefese 4:30, e boletse, “Le se ke la swabisa Moya o Halalelang wa Modimo oo le tshwailweng ho fihlela tsatsi la topollo ya lona ke wona.” Yaba Modimo, ka ho rera kereke pele, A re, “Mme hara batho bohle, ho tla ba le dimilione atisa ka dimilione tse tla tsamaya ka borapedi mme ba thetswe.” Ba ke keng ba thetswa feela etlaba bao feela ba keneng lefatsheng la pallo, bao mabitso a bona a ngotsweng Bukeng ya Konyana ho eso ho thewe lefatshe, mme ba kene lefatsheng la pallo, mme ba natefelwa ke hona.

¹¹¹ Batho bongata ba tshabana le ho re ba tla itshwara ka mokgwa o hlollang. Batho ba bangata ba tshabana le hore Moya o Halalelang o tla o etsisa ntho e itseng o—o tlang ho swabela batho. Batho ba bangata ba tshabana le hore ba tla lla, mme baratuwa ba bona ba ba bone ba lla, kapa mme, kapa moahelani wa hao, kapa mong'a hao a bone.

¹¹² A nke ke le bolelle ka monna e mong ka mohla o mong, pele ke kwala. Ho ne ho e na le monna ya bitswang Davida, mme areka ya Modimo e ne e le tlase lefatsheng la Filesta, mme Ya ntoo tshela, e hulwa ka areka, pholo ya kgale e ba hula, yare ha Davida a bona areka eo etla, o na apere sephekanyana, a mathela mono, a akga maoto sebakeng, mme a tlolaka a dikoloha, le ho hweletsa a tlolaka, le ho hobela a tlolaka mme a hobela. Homme, yena, e le morena wa Israele! Mme mosadi wa hae a nyarela ka fensetere mme a mmona a itshwere ka mokgwa oo o hlollang, a mo nyatsa. Kgele, mohlomong a re, “Tseketske ee! Mmoneng ka ntle mono, kamoo a itshwereng, o akgaka maoto a hae hodimo sebakeng, mme a tlolaka a dikoloha mme a etsa jwalo. Kgele, o tshwanetse a ba’ hlanya!” Mme bosiung boo ho keneng ha hae, a re, ka mantswe a kang ana, “Kgele, wa tla wa ntloentlolla. Kgele, wena, o leng morena, mohatsa’ka, ka ntle mono o etsa jwalo, o itshwere ka mokgwa oo!”

¹¹³ Davida a re, “Hosasane ke tla etsa hantle ho feta moo. E, monghadi!” A re, “Ana ha o tsebe ke ne ke hobela pela Morena na?” O ne a tshetse! O ne a le lefatsheng la pallo. O ne a lahlehetswe ke mekgwa yohle ya bo-nna le moitedi wa lefatshe. A thabetse haholo ho tseba hore areka e ne e etla motseng wa hae ka sebele.

¹¹⁴ Mme, oho, ke a o bolella, batho ba bang ba tshaba ho amohela Moya o Halalelang, ka tshabo ya hore ba ka tshoha ba bua ka dipuo. Ba tshabana le hore motho a ka tshoha a itse, "Jwale, ke e mong wa mathaka ao a maleme." Ba tshaba ho tla kerekeng le ho kolobetswa ka Lebitso la Jesu Kreste, hoba ba Le swabela. Hee! Oh!

¹¹⁵ Motho o na re ke loketse ho kgutlisa ditheipi tsa ka, hoba ke rerile ka ho kolobetswa ka Lebitso la Jesu Kreste. Ha ke di kgutlise. Ke etsa tse ngata! Ke hantle, ho lokile, ho etsa tse ngata! Hoo ke Bibebe. Ha ba sa rate seo re se entseng maobane, bonang feela seo re tla se etsa hosasane! Ke yona ntho e lokelang ho etswa, le a bona, dula o nts'o tswela pele. Ha ho pheletso ho yona, hoba ke ya Morena. Ke Modimo.

¹¹⁶ Le tseba seo Modimo o ileng wa se etsa? Modimo wa sheba fatshe o le Lehodimong. Wa re, "Davida, o monna ya pelong ya Ka ka Sebele." Davida o ne a sa swabe. E ne e le mohlanka wa Morena. O ne a rata Morena. Mme o na thabile ha kana, thabo e phophomang, ho fihlela a sa ka a nahana ka seriti sa botho.

¹¹⁷ Le a bona, jwalokaha ke boletse therong yaka hoseng hona, hore re tshohile haholo, hoo, re batlang ho rutwa ke Saule, re batla Saule ya tswang mophatong o itseng ho re bolella kamoo re tshwanetseng ho sebetsa borapedi ba rona le kamoo re tshwanetseng ho e sebetsa. Mono ke ka mose o kwana wa Jordane. Ka mose o ka kwano, Moya o Halalelang o etella pele. Ka mose o ka kwano o tswile moiteding ono. Ka kwano ha o tsotelle seo ba se nahananang. Ka kwano o shwele, mme bophelo ba hao bo patilwe ka ho Kreste ka... mme o tshwauwe ka Moya o Halalelang. Ha o tsotelle. O phela Kanana. O kgona ho mamella koro e ntle. O mmopuwa e motjha ho Kreste Jesu. O habile lefatsheng la pallo.

¹¹⁸ Ke hopola ha ke ne ke eme kwana, Moena Collins, dilemo tse ka bang mashome a mararo tse fetileng, kereke ena eso hahuwe. E ne e le tshebeletsonyana ya tente mona khoneng, tshebeletsong yaka ya pele. Ke ne ke bolela yona Evangeli ena, ntho e tshwanang, menono e sa fihlellweng ya Kreste, kolobetsa ya metsi ka Lebitso la Jesu Kreste, ho dumela hore Lentswe ka leng ke Nnete, kolobetsa ya Moya o Halalelang, phodiso ya Kgalalelo, matla a Modimo, jwalo feela kaha ke E rera hona jwale, ha ke eso ho kgelohela karolwana efe feela ya Lona le ka monoko o le mong. Modimo o ntshenoletse ho fetisang ha Lona, ka hona, ho ya kamoo A le senolang, ke dula ke Le tlisa. Le ka mohla ha A tlose se bileng teng, O mpa a ekeletsa ho Lona ho feta.

¹¹⁹ Ke ne ke eme mono mohla batho ba ka bang makgolo a mahlano ba neng ba eme lebopong, ho binwa, "Ke eme mabopong a Jordane e befileng, ke lahlela leihlo la tshepo, fatsheng le letle la thabo la Kanana, moo menono yaka e leng

teng. Ke yo fihla neng bopong leo le phelang le ho sitswa kamehla, ke yo fihla neng ke be ho Ntate...ho phomola kamehla?" Ha ba qala ho e bina, keha ke kenya moshanyana nokeng ho mo kolobeletsa Lebitsong la Morena Jesu ntle mono. Ka re, "Ntate ya Lehodimong, ke sa hlahisa moshana enwa ho Wena maipolelong a hae..." Ke le moshanyana feela, le nna, ke na le ditshwantsho tsa yona lapeng. Ka re, "Ere ke sa mo kolobetsa ka metsi, Morena, maipolelong a hae, ka Lebitso la Jesu Kreste Mora Modimo, O tle o mo tlatse ka Moya o Halalelang." Mme nakong e kang eo Ntho ya utlwahatsa mohobo o furuletsang, mme ke ena E tla e ferella e theoha, Naledi e Phatsimang ya Meso keha e eme mono. Ke moo ho ne ho eme Lesedi leo le le bonang hantle mono setshwantshong. Ke Leo moo le neng le eme teng.

¹²⁰ La ya lefatshe ho pota, hodimo Canada le ho potoloha. Ba re, "Lesedi le mohlolo le hlaho hodima moreri wa selehae wa Baptise nako eo a kolobetsang."

¹²¹ Matsatsing a mmalwa a fetileng, ha Ngaka Lamsa a ne a etla ho nna, homme ntle le ho tsebo letho ka hono, mme a ntlisetsa setshwantsho, seo moena a se tshwereng ho yena hona jwale. Na o nkile setshwantsho seo? Na o tshwere Bibebe eo ho wena, se robetseng teng mono, se teng ka bukeng ya hao? Ke hantle. Ho na le setshwantsho sa mehleng ya kgale sa letshwao la Baheberu la Modimo, hantle feela ka mokgwa oo se bileng kateng mehleng ya Jobo, le pele Bibebe e ngolwa. Modimo borarong ba Hae ba bokgethehi, e seng medimo e meraro. Modimo o le mong borarong ba bokgetheho. Ntate, Mora, le Moya o Halalelang, tshebetso tse tharo tseo Modimo a sebeditseng ka tsona. E seng medimo e meraro, boraro ba bokgetheho! Mme ke Leo moo le neng le le teng. Ha monna eo ya phahameng, Ngaka Lamsa, phetolelo ya Bibebe ya Lamsa, ha a ne a bolela hoseng hono. Yareha ke mmolella hono, ka re—ka re, "Letshwao leo ke la eng?"

A re, "Ke letshwao la kgale la Modimo, ka Seheberu. Modimo, Modimo a le mong borarong ba bokgethehi."

Ka re, "Jwaloka Ntate, Mora, le Moya o Halalelang?"

¹²³ A thola, mme a bea lebekere la hae la kofi fatshe, a ntjheba. Gene, ke kgolwa o no le teng, Leo. Ho re, "Na o dumela taba eo?"

Ka re, "Ka pelo yaka yohle."

¹²⁴ A re, "Maobane bosiu, ha ke ne ke eme ka tshebeletsong ya hao, Moena Branham, ke ile ka bona tshenolo eo ya merero ya pelo. Ha ke eso e bone pele Amerika, naheng ya heso." A re, "Batho bana ba Amerika esita le Bibebe ha ba e tsebe. Ntho eo ba tsebang feela ke phutheho tsa bona. Esita le le moo ba emeng ha ba tsebe." Ho re, "Ha ba tsebe letho." A re, "Empa ho emeng ha ka mono bosiung ba ho feta," ho re, "ke ile ka

re . . ." Jwale, Moena Gene, ke mpa bolela hona ka hlompho le lerato le tse jwalo. O ile a re, "Ka re, 'O tshwanetse ebe e le moporofeta.' Empa ha ke bona o dumela hore Ntate, Mora le Moya o Halalelang e ne e se medimo e meraro, e ne e le bokgethehi, yaba ke a tseba hore o moporofeta wa Modimo, ho seng jwalo o ka be o sa e senolelwa ka tsela eo." A re, "Leo ke letshwao le phethahetseng." Ho re, "Ha ke eso ho ka . . ." Ho re, "Ha o wa thuto ya bonngwe ha ke re?"

¹²⁵ Ka re, "Tjhe, monghadi. Ha ke wa thuto ya bonngwe. Ke dumela ha Modimo e le Modimo o Matlaohle, mme boraro ba bokgethehi e mpa e le diofisi tse tharo feela tseo Modimo o le mong o phetseng ho tsona."

¹²⁶ A re, "Ho hlohonolofatswe pelo ya hao!" A re, "Tsatsi le leng o tla tsholella madi a hao hodima lefatsho ka baka la hono, empa," a re, "baporofeta ba shwela kabelo ya bona ka mehla."

¹²⁷ Mme ka re, "A ho be jwalo, haeba e le thato ya Morena' ka." Phetolelo ya Bibele ya Lamsa.

¹²⁸ Oh, ke nnete e kakang. Ke ka makgetlo a makae, jwalokaha ke bolella kereke ena, jwalokaha Samuele a boletse pele ba kgetha Saule, "Pele le tswela ntle ho ikopanya le phutheho e itseng, le ho itshwasa borapeding bo itseng, horeng le sa dumelle Moya o Halalelang ho le tsamaisa?" Horeng le sa nke Modimo e le Moetapele wa lona A tle a le hlohonolofatse, mme la lebala ka phutheho tsa lona. Jwale, ha ke re le se be ditho tsa phutheho efe feela ya kereke, eba setho sa efe feela eo o e batlang. Ho ho wena. Empa ke a o bolella, jwaloka motho o inotshi, o mpe o dumelle Moya o Halalelang ho o tsamaisa. O bale Bibele. Mme seo Bibele e reng o se etse, o se etse. Modimo o le hlohonolofatse.

¹²⁹ Mme jwale ke eme nako e telele. Ke ipotsa na ho na le ba bang mona ba neng ba batlile ho feta moleng wa ho rapellwa ho ka rapellwa. Ha ba le teng, na ba ka phahamisa matsoho a bona. Ke nngwe, pedi, tharo feela. Ho lokile. Tloong hodimo mona hantle bohole mme le eme mona ha le rata jwalo, nakong ena, mme—mme re tla etsa thapelo. Mme hape re . . . Ha ke eso batle hore le tsamaye jwale. Ke batla ho etsa ho hong ho sele semolao pele feela re—re kwala feela.

¹³⁰ Ke ba bakae ba ratang thuto ya Buka ya Bagalata . . . oh, ke bolela Baefese? Jwale, Laboraro bosiu, re tla kena Tiisong. Mme hape Sontaha hoseng, re kene ntlheng ya ho behwa ha kereke madulong. Oh, haeba . . . Mohlomong re tla kena tabeng eo, bosiung bona bo tl Lang ba Laboraro, ho lona batho ba mona Jeff. Ho bea kereke madulong moo ba loketseng ho ba hona teng, e mong le e mong. Ka moo re bitswang ka peho. Modimo o re bileditse ho bewa bara, re bara ka tswalo. Ho behwa le ho dudiswa madulong ke Moya o Halalelang. Bonang! E ne e le Baheberu e mong le e mong, ha ba ne ba tshela noka, empa

Joshua a arola na ha mme a abela motho ka mong na ha ya hae ho latela polelo ya mmae tswalong, moo Moya o Halalelang o mmoleletseng teng.

¹³¹ Bonang ha Jakobo a ne a eshwa, moporofeta, a fousetse, a hula maoto a hae moalang, ho re, "Atamelang kwano lona bara ba Jakobo mme ke tla le bolella moo le tla ba teng tsatsing la qetelo." Thoriso! [Moena Branham o opa diatla tsa hae habedi—Mong.] Oh, ke a tseba nka nna ka bonahala ke makatsa. Batho ba ka bonahala ba makatsa. Empa, oho, ha feels le ne le tsebile kgo—kgodiseho, ho—ho tuka ho leng ka pelong! "Tloong kwano mme ke tla le bolella moo le tla ba teng matsatsing a qetelo." Mme nka nka lona Lengolo leo, mme ka nka mmapa wa moo Bajude ba dutseng teng kajeno le ho le pakela hore ba sebakeng seo Jakobo a boletseng hantle hore ba tla be ba le teng tsatsing la a qetelo. Mme le ka mohla, teng mono, bao ba ne ba eso ka ba fihla tulong eo ho fihlela ba kgutla esale ho tloha ka Motsheanong wa la leshome le metso e supileng, 1946, bona bosiusng boo Lengeloi la Morena le neng le itlhahisa ho nna hodimo mono le ho mpolella ka thomo ena. Mme nka le bontsha hono, eitse ha ba kgutlela lefatsheng le letjha, ba dula hantle madulong ao Jakobo a boletseng hore ba tla be ba dutse teng. Mme ke bao moo ba dutseng teng kajeno. Oho, oho, kgidi, oho, kgidi! Re atametsese Hae ka tsatsi le le leng, ke phetho.

¹³² Lona batho ba ratehang, le a kula, ho seng jwalo le ka be le sa ema mono e le ho ema feels. Ke moena' lona. Ke tshwere thomo e tswang ho Modimo ho rapella bakudi. E seng jwalo... jwalo... jwalo... ya nang le matla a ho fodisa, ha ke na. Empa ke na le matla a thapelo. Jwalo... jwalo... jwalo... ke boletse hoseng hona, Davida o na se na letho haese letjeketjane le le nyenyane, empa o itse, "Ke tseba seo le ka se etsang ha le e na le matla a Modimo ho lona." Le a bona? Ke na le thapelo e nyenyane feels eo nka le etsetsang yona, le ho bea matsoho a ka hodima lona, empa ke tseba seo tumelo ho Modimo e ka se etsang. E sebeleditsa ba bang, e tla le sebeletsa. Le dumele seo hona jwale nakong eo le nyolohelang, haufi le sebaka feels.

¹³³ Jwale, ke a ipotsa, ho phethisisa hona, na nka se kope moena' ka ho tla kwano le ho ba tlotsa ka oli. Na o tla etsa hono, Moena Neville? Ke tla le kopa lona kereke na le ka inama thapelang.

¹³⁴ Jwale hopolang, vekeng e fetileng ha ke ne ke kula haholo ke oli eo ya khastere, nkabe ke ile ka fana ka ntho efe kapa efe hola motho a feta mme a mpea matsoho hodimo. Hola ne nka thola motho, eo Modimo a mo hlohonolofaditseng le ho mo thusa, nkabe ke ile ka e ananela haholo. Lona bohole le ikutlwia jwalo... jwalo... jwalo... nna lekgatheng leo. Le ikutlwia jwale hore le batla ha nka le etsetsa kamoo ke neng ke batlile ha motho a ka nketsetsa lekgatheng leo. Modimo a nthibe ke se tsila-tsile mosebetsing ka mohla. Kamehla, leha ke kgathetse, moo ke

nyahameng, moo ke batlang ke sa kgone le ho tlosa leoto le leng ho le leng, a nke ke ye, hoba ke tla kopana le e mong le e mong wa lona hape, kwana Lefatsheng lane mono.

¹³⁵ Hape lona basadi ba hodileng le banna ba hola-hodileng, ba katilehileng, ka moriri o moputswa mme o foforeha, o robeha dikoto-koto jwaloka rose e ahlamisitseng monokonyana wa yona, mme mahlaku a yona a mofapahlooho a foforeha, mme a e wa, le robeha dikoto-koto feela, na ha ho jwalo ka lona? Ke hantle. Feelas... Mme ntho feela eo le batlang ho dula le kopane ke ho kgantssha bakeng sa tlotla ya Modimo. Ere sera se sa le tshwere jwale le ho tswa se baleha, ke tla ka letjeketjane la Modimo, ka tumelo, ka neo eo Modimo a nneileng yona. Seo ke ileng ka se bua ke sena, hore le tle le utlisise. Ke ile ka re, "Hola feela Petrose a na ka kena, kapa ba bang ba bona." O se ke wa rialo. Ha o a tlameha ho nthapella. Kena feela ka mokgwa wona, mme o re, jwaloka ho mosadi enwa, e re, "Na o kgaitsemi *Mokete-kete?*" Lebitso la hao ke mang? Kgaitsemi Howard. Ho re, "O Kgaitsemi Howard. Na o modumedi, Kgaitsemi Howard? O a dumela, o modumedi? Ha ho le jwalo, bona, o na le tokelo mahlohonolong wohle a lopollang." Be se ke re, "Kgaitsemi Howard, ntho e nngwe le e nngwe e tla itokela," mme ke tsamaye. Oh, kamoo... Ka re, "Ke ne ke tla hweletsa, ke hlabe ditlatse." Ke re, "Morena, e loketse ho etsahala ka mokgwa ono. E loketse feela ho ba jwalo."

¹³⁶ Mme ka nahana, "E bo, batho ba nahana ntho eo nako eo ke tlang ho ba rapella." Ka baka leo ke eng. Le bona seo ke se bolelang?

¹³⁷ Mme ke nnile ka ema, hangata, mme ke nke batho, le ho re, "Oho, kgaitsemi ya ratehang, na o tla E dumela? Oho, na o tla E dumela?" "Morena, O Modimo, etsa hore ba E dumele. A ba ke ba E dumele." "Oho, hle, na le tla E amohela jwale?" Ha se yona. Ke fetile mono. Ke se ke fetile mono.

Ke re feela, "Kgaitsemi Howard, na o modumedi?"

"E, ke yena."

¹³⁸ "Ke hantle, Kgaitsemi Howard, ha o le modumedi, o mojalefa wa ntho e nngwe le e nngwe eo Modimo a e ruileng." Mme ke tshware letsoho la hae feela. Le a bona, ke dumela Hono. Ke hokahaha le Kgaitsemi Howard ka ho bea matsoho a ka hodima hae. Jesu ha a re, "le ba rapelle," O itse, "Le bee matsoho a lona hodima bona." Ke moo, ebe o a fola. A ka re, "Ntho e nngwe le e nngwe e tla itokela," Kgaitsemi Howard. O ka ya hae mme wa hlaphohelwa. Modimo a o hlohonolofatse.

¹³⁹ Wena o Kgaitsemi... [Kgaitsemi o re, "Hampton."—Mong.] Kgaitsemi Hampton, o modumedi, ha ho jwalo? O mojalefa wa ntho e nngwe le e nngwe eo A nang le yona. Modimo a be le wena, Kgaitsemi Hampton. Eya hae o hlaphohelwe jwale. Jesu Kreste o o fodisitse. [Moena Branham o tswela pele ho rapella batho.] 

PEO YA BANA, Karolo ya I Leqephe 1

Baefese E Tsamaelana Le Joshua, nomoro ya teipi 60-0515E
Motsheanong 15, 1960, Sontaha Mantsiboya

PEO YA BANA, Karolo ya II Leqephe 29

Bara Ba Modimo Ba Bonahaditsweng, nomoro ya teipi 60-0518
Motsheanong 18, 1960, Laboraro Mantsiboya

PEO YA BANA, Karolo ya III Leqephe 75

Sebaka Ka Ho Kreste, nomoro ya teipi 60-0522M
Motsheanong 22, 1960, Sontaha Hoseng

PEO YA BANA, Karolo ya IV Leqephe 117

Peo ya Bana, nomoro ya teipi 60-0522E
Motsheanong 22, 1960, Sontaha Mantsiboya

Melaetsa ena ka Moena William Marrion Branham e rerilwe qalong ka Senyesemane Tabernakeleng ya Branham e Jeffersonville, Indiana, Amerika. Boikgathatso ka bong bo entswe ho fetisetsa ka tsepamo Melaetsa e rerilweng ho tswa dikgatisong tsa teipi ya makenete ho ya leqepheng le tlantsweng mme e tlantswe mona e sa kgutsufatswa mme e abjwa ke ba ha Voice of God Recordings.Ya boelwa hatiswa ka 2011.

SOUTH SOTHO

©1998 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
P.O. Box 178, SOMERSET WEST, 7129 CAPE PROVINCE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org